


Oz è igl De mundial  
digl tgang

Bella

Luppo

Filu

Rex



**OTGOVER**

text: Chattrina Josty, illustraziun: Yvonne Gianol,  
grafica: Theres Jögger, fotografia: Jörgen-Staus  
© Lia Rumantscha

**KIDSFITSCH**  
Lia Rumantscha

# Igl De mundial digl tgang

Oz è igl de per Lupo! Igl De mundial digl tgang duessan igls carstgangs deir angraztg agls tgangs per tot chegl tg'els fon per els. E Lupo ans fò bagn buna luna. Percheigl ò el mirito ena liongia! U forsa er dus.

Tgi tgi ò gia l'ideia da declarar igls 10 d'otgover scu De mundial digl tgang n'ins so betg. Dasper chel de dattigl anc bliers oters deis an onour digls tgangs. An Germania è igl 1. da zarcladour igl De digl tgang, aint igls Stadis Unias è igls 26 d'avost igl «National Dog Day». Aint igl center stattan adegna igls tgangs. Els tgi lavouran er chel de per nous carstgangs. Scu per exaimpel igls tgangs da pulizeia, igls tgangs da lavegnas u igls tgangs tgi protegian

las nursas. Oters tgangs accompognan persungas orvas, survigileschan bagns purils e tgesas u èn simplamaintg bungis cumpogns per grond e pitschen. Ins dei: igl tgang è igl migler amei digl carstgang. E chel migler amei ò bagn mirito ena pitschna pôssa e forsa en regalighn tg'ins igl pudess gist far igls 10 d'otgover. Tge savessas te far per igl ties tgang, schi te ast egn, u per igl tgang dalla vaschigna? Forsa ena spassageda extra lunga? U en gi cun ena balla? U forsa igl dar ena liongia? U dus?

Son tgangs pansar?

Ast te u ò ensatgi ainten la tia vischinanza en tgang? Scu ò el nom?

Tge character ò chel tgang?

Canoschas te enqual razza da tgangs?




# Zambregia igl ties agen tgang! 1

Te dovras:

- rollas da cartung (p. ex. rollas da palpieri da tualetta)
- differentas calours dad ava u da gouache
- palpieri da calour
- îgls cun pupilla movibla
- corda u langa
- en romign
- bavrolas da cartung, cacungs da cloccas da vegn u viertgels da cloccas da PET
- penels
- ena forbesch
- ena gronda guglia da langa
- cola
- gasetta per cuvreir la meisa





Vau Vau



text: Chatriina Josty, illustraziun: Yvonne Cienal,  
grafica: Theres Jögger, fotografia: Jörgen-Staus  
© Lia Rumantscha

KIDSFITSCH  
Lia Rumantscha

# Cuas













2




# Ureglias

Tge ureglias ò igl  
ties tgang? Tscherna  
en pêr!



- 1 Ponderescha scu tg'igl ties tgang duess veir or. Vot te far en pudel, en dalmatin u en tgang da fantascheia? Peglia treis rollas da cartung e colurescha ellas cun la calour digl peil digl ties tgang.
- 2 Ena rolla da cartung è per igl corp. Scu vei or igl corp digl ties tgang? Ò el flatgs, puncts u è el tot d'ena calour? Colurescha igl corp scu tgi te igl t'imageschas u taglia furmas or d'en palpieri da calour e las tatga sen igl corp.
- 3 La sagonda rolla da cartung è per la testa. Taglia giu da chella rolla en our da circa 2 cm. Scu vei or la testa digl ties tgang? Decorescha el tenor igl ties gost.
- 4 Taglia la terza rolla da cartung dapart per lung. Ponderescha tge ureglias tg'igl ties tgang duess aveir. Èn las sias ureglias gizzas u radondas? Stattan ellas adretgse u pendan ellas? Èn ellas grondas u pitschnas? Tscherna en pèr ureglias e taglia or ellas digl cartung. Taglia er or ena cua.

1




2



3



4



- 5 Fora quatter rosas ainten la part sot digl corp cun ageid d'ena forbesch.
- 6 Peglia la corda e taglia giu dus tocs pi lungs per las tgommas davant e las tgommas davos. Peglia ena bavrola tagleida permez per mintga tgomma e teira tras la corda. Cun ena guglia da langa vogl migler da trer las cordas tras las rosas. Sotvart fast te mintgamai en nouf.
- Las toppas sast te er far cun vier-tgels da cloccas da PET u cun en cacung taglea an quatter tocs. Forsa ast te en'atgna ideia scu far las toppas?

- 7 Fora ossa dus rosas ainten la part soura digl corp. Er ainten la testa fast te dus rosas; eгна sotvart tar igl culiez ed eгна survart tranter las ureglias.
- 8 Peglia ena corda e teira ella tras igl corp. Per fixar la testa fast te en nouf ainten la corda. Anfeila la corda tras la testa.


5



6



7



8



- 9 Leia ossa igl ties tgang ve digl romign.
- 10 Tatga se las ureglias, igls îgls e la cua.
- 11 Ossa sast te eir a spass cun igl ties tgang!

9




10



11



Scu ò'l nom igl ties tgang?  
 Tarmetta ena fotografia digl ties tgang  
 per la nossa galareia da tgangs sen  
[kidsfits@rumantsch.ch](mailto:kidsfits@rumantsch.ch).



text: Chatriina Josty, illustraziun: Yvonne Cienal,  
 grafica: Theres Jörger, fotografia: Jörger-Staus  
 © Lia Rumantscha

**KIDSFITSCH**  
 Lia Rumantscha